

Visoki predstavnik podržava Upravu za indirektno oporezivanje

Visoki predstavnik Paddy Ashdown je prošle sedmice donio amandmane na Zakon o Sistemu za indirektno oporezivanje u Bosni i Hercegovini. Ova Odluka je posljedica nedosljednosti između određenih bh. zakona i Zakona o Sistemu za indirektno oporezivanje, koje onemogućavaju imenovanje državnih službenika sa odgovarajućim stručnim znanjem u oblasti indirektnog oporezivanja za članove Odbora. Bez ovih amandmana savjetnici sa izvršnim ovlaštenjima i relevantnim iskustvom su bili spriječeni da postanu članovi Odbora. Visoki predstavnik je izvršio izmjene i dopune Zakona o konfliktu interesa BiH i Zakona o državnoj službi na državnom i entitetskom nivou.

Visoki predstavnik je donio ove amandmane nakon konsultacija sa Upravom za indirektno oporezivanje i njenim Upravnom odborom, te relevantnim institucijama BiH i entiteta.

Blagovremeno osnivanje Uprave za indirektno oporezivanje i provedba reformi u oblasti indirektnog oporezivanja je jedan od preduslova za početak pregovora o pridruživanju sa Evropskom unijom, kako je to navedeno u Studiji izvodljivosti. Stoga je jasno da Upravnom odboru na raspolaganju treba biti znanje i iskustvo onih koji su najkompetentniji u oblasti indirektnog oporezivanja.